

Daengx Gih Minzcungh Hidungj Ganbu Couqmaenh Gij Eiqsik Cunghvaz Minzczuz Ranz Vunz Ndeu Ciendaez Beizyinbanh(Geiz Daihngeih) Youq Nanzningz Banh

7 nyied 21 hauh daengz 25 hauh, daengx gih minzcungh hidungj ganbu couqmaenh gij eiqsik Cunghvaz Minzczuz ranz vunz ndeu ciendaez beizyinbanh(geiz daihngeih) youq Gvangjsih Sevei Cuiyi Yozyen banh. Beizyinbanh iucingj Guekgya Minzvej Cwngcwz Fapgyi Swi it gaep sinzsiyenz Fungz Cangzhaij, Swegih Minzcunghvej dangjucj suhgi, cujiyin Lij Cinlinz, Swegih Minzcunghvej dangjucj cwngzyenz, fucujyin Cinz Hanvaz, caeuq Cunghyangh Minzczuz Dayoz, Swegih Dangjvej Dangjyau, Gvangjsih Minzczuz Dayoz daengj conhyah yozcej daeuj hwnjdanz. Swegih Minzcunghvej dangjucj cwngzyenz, fucujyin Dwnj Genhgenh camgya haiban yizsiz caemhcai gangviah.

Baez beizyin neix cungdenj hagsib gij swhsienj youqgaenj gvendaengz gyagiengz caeuq gaijndei hong minzczuz, gij lwnhgangj youqgaenj gvendaengz hong cunghgyau, gij iugouz youqgaenj

gvendaengz lwnhgangj hong Gvangjsih Siz Ginbingz cungjsuhgi, gij lijun caeuq saedhengz couqmaenh gij eiqsik Cunghvaz Minzczuz ranz vunz ndeu, gij cingsaenz Aen Hoih Hong Minzczuz Cunghyangh, Aen Hoih Hong Cunghgyau Daengx Guek, gezcwz baijbouh hungnaek mizgven hong minzczuz cunghgyau cunghyangh caeuq swegih daengj. Gocwngz neiyungz bauhamz minzczuz cwngcwz lijun, hwnqguh gih guhyienh couqmaenh gij eiqsik Cunghvaz Minzczuz ranz vunz ndeu, senhconz gyauyuz, gihcwngz ceihleix daengj lai aen fuengmienh.

Beizyin geizgan, daengxcungq yozyenz yiemzsouj yozfungh gijliz, yienh' ok cingsaenz yienghsiengq ndei, cauh' ok heiqfaenh hagsib gig naekna. Gyoengq yozyenz cungj naeuz, baez beizyin neix gaenjaenj hopheux couqmaenh gij eiqsik Cunghvaz Minzczuz ranz vunz ndeu, neiyungz cungsaed fungfouq, hingzsik lingzvued lai yienh,

lwnhgangj lijun caemhcai qijdauj saedhengz, doiq guh gij hong riengzlaeng miz yungh lai. Daihgya foenfoen naeuz, yaek engqgya insik baez hagsib seizgei nanz ndaej neix, cietsaed cienjvaq soj hag soj siengj baenz gij gidij banhfap caeuq saedsaeh cingzyauq guh hong, vih Gvangjsih hwnqguh gih guhyienh couqmaenh gij eiqsik Cunghvaz Minzczuz ranz vunz ndeu ok rengz engq hung.

Gak si laeb gih minzcunghvej(giz) yezvu guzgan, bouhfaenh yienh(si, gih) minzcunghgiz gizcangj, Swegih Minzcunghvej gihgvanh ganbu, sohguenj danhvei lingjdauj cwngzyenz, Gvangjsih Minzczuz Lijun Cwngcwz Yenzgiusiz, Swegih Saujsu Minzczuz Gujcz Baujhu Yenzgiu Cunghsinh, Swegih Cunghgyau Donzdij Fuzvu Cunghsinh, Gvangjsih Minzczuz Yijvwnz Yenzgiu Cunghsinh bouhfaenh ganbu gungh 92 boux yozyenz camgya beizyin.

(Vangz Li /王莉 Veiz Liujbingh/韦柳冰)

Sanhgyangh: Gij Sing Lwgnyez Cienz Feihyiz

7 nyied 25 hauh, Sanhgyangh go bizbaz Duncuz goeng' ik beizyin veibau yienjok youq Sanhgyangh Duncuz Swciyen Vwnzva' gvanj guh, 150 lai boux hagseng daenj buhvaq minzczuz gyaunde, hwnjdaiz ciengq go bizbaz Duncuz, boq aenvenz Duncuz, boq biq Duncuz daengj, cizmuz ndeiawj vunlai bekwngz mbouj dingz. Baez beizyin neix son dinfwngz feihyiz Duncuz mbouj aeu ngaenz, doenggvaq cungj hingzsik neix hawj gyoengq lwgnyez engq ndei cienziep cienzdoengj feihyiz vwnzva Duncuz.

(Gungh Bujangh/龚普康 Liengz Siumingz/梁秀明)



▲ Gyoengq lwgnyez ciengq go bizbaz. Gungh Bujangh ingj

Dasinh: Guh Hozdung Senhconz “Ngoenz Vuengzbiu Sei qgyaiq”

7 nyied 28 hauh, Dasinh Veiswnggh Gengangh Giz yiendaez cujcz gak aen veiswnggh gengangh danhvei, aeu “sevei caemh ceih siucawz vuengzbiu” guh hozdung cawjdaez senhconz “ngoenz vuengzbiu sei qgyaiq”, doenggvaq lai cungj hingzsik bae son, cienzmienh daezswng gij eiqsik fuengzceih vuengzbiu gyoengq ginzcong daengx yienh.

(Guz Yaujcinh/谷晓珍)



▲ Canghyw bang bouxgeq dag hezyaz.



▲ Bouxguhnaz youq ndaw cangj dak rangz.

Mungzsanh: Conhyez Hozcozse Gyagoeng Rangz

7 nyied 25 hauh, youq ndaw Mungzsanh Yen Hanhauz Yangh Mbanjanghcunh aen nungzminz conhyez hozcozse ndeu, bouxguhnaz cingq bok rangz, dak rangz. Aen hozcozse neix ndaem rangz caemhcai qgyagoeng baenz rangzsoemj, makrangz, rangzsauj daengj bae gai, faexcuk ndaem baenz 800 lai moux, gyoengqvunz seiqhenz daeuj guhhong, ndaej ngaenz yied daeuj yied lai.

(Vangz Swnglinz/黄胜林)